

重修雷州府志序



自古史與志合陳壽志三國志猶史也後世州縣分志郡又合州縣而以志傳史才微矣要以繁簡失宜君子病之

夫人事輸誠盡瘁有能感金石泣鬼神而名沒九泉幽光未發有力者聞微灼隱記事載言此文策之必不可簡者也其失也義寬而詞濫如紀

長江浩海而旁及斷港絕潢
嗚呼難言之矣雷州地處嶺
南形勢環海如箕領帶三邑
余自庚午抵任值洋氛未靖
大兵來會雙溪爲考舊志叅

其圖說久之當是時上憲督
師水陸鎗兵刃彀弓弩以待
號令而四境老民紳士率其
子弟負戟操戈立城下晝夜
十日無倦色是豈無所挾持

而能應於臨事者抑亦見政
教所及有以作士氣而感人
心則雷州固西南一名郡也
郡志舊分十卷冠以輿圖綴
以外紀大兵後訪問故事十

遺八九蓋自康熙壬子修葺
成編迄今百餘年舉凡戶口
土田官制禮儀海防軍政以
及庶事之廢興舊章之因革
五穀百產之衰旺老幼少壯

之疾苦懼愉筆之於書彰遠
昭來以勸以懲此固守土者
之責而歲殊時易聞見異詞
進邑人之所知又從而考正
焉將以政事之修明示鴻章

之美備嗚乎豈易言哉庚午
孟秋郡人以舊編殘缺議請
重修自維下車數月視聽未
周於志何補無已檄三縣各
庶司採碑碣收圖籍於次年

十二月編次告成郡人乃復
請序於余以紀始末夫古人
不下堂而知土地之圖辨人
民之數通上下之志合好惡
之情誠以方策未湮措施有


具是志也若崇飾虛詞余心
滋惧若爲法爲戒則一編三
邑輿論彰聞余惟日有孜孜
以勉孚衆望庶郡志可稱信
史不致繁簡之交病云耳志

有二十卷錄舊摭新條條秩
秩延聘纂校則海康前任溫
處兵備道陳君觀樓同校多
士膏火分勞虛衷叅訂以姓
氏旣列後此不復書

嘉慶辛未冬十有二月

賜進士出身

特授廣東雷州府知府雷學海序



續修雷州府志序

嘉慶歲在庚午秋八月郡伯
以續修府志見屬不敢以不
敏辭也於是會同三邑首事
衿耆公遴分較採訪繕寫等

雷州府志

序

若干人各分以職既開局取
舊志閱之略為增併其門類
每門引以前序定凡例示同
局俾知所從事因考地志之
書之傳於世者惟唐元和郡

縣志為最古宋元豐九域志
次之皆本諸周官職方氏之
遺意欲以辨其人民財用周
知其利害他無濫及焉自樂
史作太平寰宇記闢入人物

踵而為之者志傳並行人物
之篇率居全書之半是古之
地志特史之一門後之地志
實為府州縣之全史今將為
雷郡作全史而不能徵文致

獻以東登元外所以信今而
傳後也吾嘗稽之往牒聞之
故老叅以生平閱歷用是悉
其形勢得其土宜知其民人
所習尚其北負高涼旁腋三

廉橫山息安燠堡存焉是往
者鄭昌王鑑軍之所由伏莽
興戎者也其東西南皆吞吐
渤海海之中大小蓬萊在焉
是生者劉香陳旺軍之所由

乘風肆擾者也然而其壞腴
其民愬其生殖繇夥則富庶
之境也其學者類知崇實黜
華其武士類知親上敵愾其
婦人女子類知飭廉隅守閭
自我

朝蕩平區宇

列聖相承必世興仁百年去殺早已
變蜃氣為卿霽化瘴雨為祥

霖迹以海上匪徒稍々蠢動
又仰蒙我

皇上握廟筭授機宜剋期掃除之
用能使林々搃々熙皞成風
然則生斯土者願可以運際

甯州府志

卷一

七

昇平而不思其所自來我舊志
創始於明正德間凡三經續
輯皆適值兵燹之餘故其詞
大抵若有憾於其地其人然
者吾獨惜其生之早而不及

見今之雷之迥異乎當日之
雷而躬逢

久道化成之休也竊自念筆墨
久蕪深恐不勝記載之任所
賴郡伯隨事商正同局諸君

雷州府志

序

亦各矢公矢慎時時勗勗而
贊成之起自立設郡縣之始
以迄於今自

興謨而下分為二十門志地志人均
詳細攷訂無有舛互而後筆

之於書其康熙十一年以前
有採之舊志者則注明出處
不敢掠美云原任分巡浙江
溫處兵備道海康陳昌齊



古敘

自夏后氏別九州任土作貢後世郡國因之各有
史籍以紀往事春秋間國語並載左邱明既傳魯
史復析列國而存之蓋其詳也我國家幅幘萬里
盛京鼎峙其列爲省以擁衛鴻圖者十有四爲府
者蓋倍蓰無算記載班班可考雷僻在東粵南陲
視廣肇諸郡地差狹所轄邑不能以半然吞吐渤
海跨瓊冀廉實東南一要郡也土衍而沃嵐瘴轉
微風俗淳令數百年來人文迭興科第往往不絕

雷州府志

志敘

視他郡稱雄長焉其間守令名賢揆諸兩漢未可
多讓奇踪勝事灼在耳目此而不爲之紀將循良
寂響而文物輒湮也觀風之謂何其何以備採覽
且夫考疆正域大典也辨土授民顯制也度產絜
賦厚忠也昭善狀惡森軌也省視要害重防也正
禮審祀秩章也籍一郡而衆善咸集惟集不可以
缺故歷敘時人所見聞與先正所傳者彙爲雷志
列爲十卷俾徵文獻者可攷信焉
明湛若水雷州府志序

惟王建極驅理宇內設邦啟域列爵分職爰立外
史以掌四方之志九邱之書以類上下山川城郭
室宇人物文獻貞賦之事所以盡職而獻忠者也
况魯史之文實筆春秋豈小小也哉西伯王君伯
存以秋官來守雷州習犯法之民而貸其辜以其
身折權貴之勢以爲民安凡四年更職以舉乃修
文事檢郡志云曠曰此前守趙君尊創之今方伯
吳公蒞爲余事實製作之我則弔弔其何以繼於
前修乃謀加之訂正書色而志以遂按圖而考之

雷州府志

序

二

於山川曰吾不思所以莫安與於城郭曰吾不思
所以捍守與於館宇曰吾不思所以輯寧與於人
物曰吾不思所以化理與於文獻曰吾不思所以
敦崇與於貢賦曰吾不思所以平均與聖天子將
勤治理撫與國而覽之見山川則思封疆之臣見
城郭則思捍禦之臣見室宇則思輯寧之臣見人
物則思化理之臣見文獻

進忠矣乎進思盡忠臣道乃修是謂以志致志王
君之謂與正德十二年歲在丁丑孟冬二十有

日甘泉子云

明郡人馮彬雷州府志序

嘉靖庚子冬余自西臺告歸邂逅次崖林僉憲於五羊次崖方巡察海北採舊典以新政紀慨郡志久逸屬余修之余時未知所以應命者旣又檄府以幣請事未舉卽代去諸暨夢山翁僉憲繼之請如前郡守葉可亭復通聞於撫按咸以允示遂集郡邑英彥就公署同纂閱月草成值高州府同知績溪戴君來署郡符措辦梓之余曰志以紀事史之

雷州府志

序

三

遺也史亡而後志作焉雷距五嶺南自入職方來地經物軌風範道華志者舊矣然自正德丁丑以迄於今時易歲殊風移俗革是故或併或析或易或仍或徙或陲或陵或湮因時變易是皆理域保封昭德遂生繫焉者烏敢忽諸用是錄舊摭新黜繁緝略志圖輿以正疆域志食貨以定財貢志公署以肅法制志官師以振綱維志防禦以弭窺伺志建設以彰廢置志列傳以表習尚志藝文以昭華澤是故疆域正則地道彰矣財賦定則民生殖

矣法制肅則體統一矣紀綱振則政令肅矣窺伺
弭則大可保也廢置備則政可飾也習尚表則人
知所趨也華澤昭則文獻有足徵也嗚呼是亦盡
之矣而余竊有懼焉蓋郡者國之積而天下之委
也閭閻發幽彰遠昭來於志焉徵之昔江文通論
史之難無出於志若余材乏三長謬膺修輯遺略
外誤實多焉讀之者寧不有未及終篇卽欠伸思
睡耶然余產是邦知是邦爲獨詳類集故實以備
後修之君子實余志焉尙亦有亮之者嘉靖甲辰

雷州府志

序

夏四月吉日書

明推官歐陽保雷州府志序

竊聞園冠知天句履知地徵往詔來郡國志所繇
重矣顧志非侈耳目之觀備方策之數事該而核義正
而嚴成一郡信史斯足述耳歲辛亥余捧檄理雷
問雷志故府無藏且百年作而歎曰有是哉雷之
缺也尋奉委查端州讀葉化甫所修端志華實並
茂不勝向往第思端於粵爲望國化甫於文壇爲
宗匠端有名巖秀湍碩人偉士幕府巨鎮足以資